

重陽金真集卷之四

枝四

終南山重陽子玉嘉謨

詞

南鄉子

物物要休休打破般般是徹頭認得本來真  
面目修修一箇靈芽穩穩求 火裏好行舟  
焰裏白蓮素臉幽韻郁風前通遠迥悠悠透  
過青霄得自由

又誠入禮拜

堪歎這項夫空恁區區用力轟五體相逢投  
地面休愚尚自勞勞禮假軀 大道本虛無  
玄裏藏玄妙不教內有元光人不識唯吾日  
日觀瞻自吸呼  
物物不追求擺手行來事事休返照迴觀親  
面目無憂自在逍遙豈有愁 乘此大神舟  
玉棹瓊棹渡正流別出急波俱絕盡機謀超  
上十洲三島遊

又于公索幻化

幻化色身繞電脚餘光水面泡忽有忽無遙  
速甚如飄過隙白駒旋旋飄 何不悟虛驚

早早迴頭養玉苗苗上金丹光澄澄影昭透  
過雲衢入碧霄

又那公索要下手修行

我命不由天熟糲三田守妙玄甘雨澤添先  
布種金錢偏地黃芽最色鮮 養就玉花蓮  
葉葉分明永永堅瓊藥被風吹撒動香傳一  
道靈光任自然

又風琴

妙手喜新成十六條絃別有名掛在宮中雲  
外路風迎便許能招自己聲 不入俗人聆  
占得仙音講道經唯我傍邊全善聽叮嚀攜  
爾蓬萊在玉庭

小重山翁牛子

堪歎損兒不喚牛性如湍水急碧波流只知  
甘乳做膏油長隨母擺尾搖頭 漸漸騎無  
休奔馳山谷路入溪溝未從韁絆恣因由貪  
香草怎曉虎狼憂

堪歎囊中這隻牛龍門角子穩騎風流身如  
際墨潤如油貪關壯牽拽不迴頭 苦苦幾  
時休力筋都使盡卧犁溝被人嫌惡沒來由

開水草難免一刀憂

刮鼓社

刮鼓社這刮鼓本是仙家樂見箇靈童於中  
俊俏自然能做作長長把玉繩輝霍金花一  
朵頭邊燦便按定五方跳躍早晨起踏雲脚  
早晨起踏雲脚 會戲謔正洽真歡樂顯現  
玲瓏玳瑁了了偏體纏絡遂引下滿空鸞鶴  
迎來接去同盤礴共舞出九光丹藥蓬萊路  
有期約蓬萊路有期約

恨歡遲

名話排三本姓王字知明子號重陽似菊花  
如要清香吐緩緩等濃霜 學易年高便道  
裝過淵明語我嘉祥指蓬萊雲路如歸去慢  
慢地休忙

山亭柳

急急迴頭得得因由物物更不追求見見分  
明箇把般般打破優游淨淨自然瑩徹清清  
至是真修 妙妙中間通出入玄玄裏面細  
尋了了達冥幽穩穩拈銀棹惺惺駕大法神  
舟速速去超彼岸靈靈現住瀛洲

武陵春

天地唯尊人亦貴日月與星臨道釋儒經理  
最深精氣助神情四箇三般都曉徹丹結  
變成金袞上明堂透玉岑空外得知音

甘草子

塵所不肯修行箇箇貪歡聚轉轉戀榮華恁  
肯將心悟直待陰公教來取便急與相隨  
去早被兒孫送歸土金玉誰為主

迎仙客或曰既是修行因何齒落髮  
白答云我今年五旬五尚幸苦品收

獲耳

五旬五過半百諸公把我頻搜索眼如遮耳  
如聞口中齒豁頰上髭鬚白外容蒼內容  
黑金花地上真粟麥稗兒鈿穗兒摘三車搬  
過便是迎仙客

惜芳時

諸公學休胡別且莫放猿頭馬劣閑中認得  
玄機設無言說自然歡悅淨清便把虛空  
拽待問你不生不滅蒼言功行須交徹有真  
師分明來接

甲龍入火分明看庚虎在水中遊說往來相  
送同為伴自然是兩家拘管善能調養成  
斤段裏外更使成交換空中有箇青童喚  
時節一衝霄漢

點絳脣先生鎖門及十旬將啓戶又

以烈一枚割做十分與馬鈺夫婦二  
人食之既啓戶了唯鈺捨家緣做弟  
子至此耳又以詞贈之

十化分梨我於前歲生機構二人翁母待教  
作拳雲手用破余心笑破他人口從今後令  
伊依舊且伴王風走

俊蛾兒勸吏人

見箇惺惺真脫灑堪比大丈夫莫睡性下俊  
蛾兒壞了命兒早早迴頭搜密妙妙是養姪  
女嬰兒道袍換了皂衫兒與太上做兒做兒

南柯子

白鷺江心立烏龜水底鑽紅雞翡翠竹間攢  
四件將來鍋內鍊成丹五味調和美重樓  
信任餐充盈六腑得空康養就真神此躍入  
仙壇

會歎風中燭能嗟水上漚一生一滅幾時休  
恰似輪迴來往業淪流知有驢和馬非無  
驛與牛等閑撲入怎抽頭幸得人身急急做  
真修

夜遊宮

身向深山寄寄虫青峯恁情如意冷即草衣  
慵即睡餐松渴來後飲綠水養就神和氣  
自不寒不饑不寐占得逍遙清淨地樂真閑  
入紅霞翠霧裏

江神子

虛中空外認盈盈喜前程看分明占得真堅  
慧照助新聲五座門開通出入任來迴好遊  
行高峯上便縱橫結雲棚勢崢嶸衣出靈  
先一點似朱櫻彩色般般籠罩定處清涼永  
長生

賀聖朝

修行須是身衣布受寂寥餐素道心不與衆  
心同絕憂愁思慮內中認取金烏聚并開  
明玉兔赤鸞抱住黑龜精這些兒誰悟  
長思仙鄒公問識心見性

莫哦吟莫追尋這箇玄機與最深如何識本  
心 好鈴擒好登臨明月孤輪照玉岑方知  
水裏金

蘇幕遮 滕奇放龜

此神龜深謝放厚德深思杳杳冥冥廣毛寶  
當時還岸賞答報於公別有明明相 戲金  
蓮通揖讓千載遐齡就壽增嘉况返顧精神  
添瑩朗一氣煩公送到雲霞上

又秦渡墳院主僧覓

善看經能禮懺金面胭脂正好頻頻轉轉  
殷紅紅不淡色裏全真裏成清湛 仗鉛  
刀擎承整劈暗鑿昏迸出銀霞艷萬道霞光  
攢一點般若波羅得得無增減  
莫端身休打坐擺擺搖搖筋噓嚙粘唾外用  
修持無應和贏得勞神枉了空摧挂 要行  
行如卧卧只把心頭一點須猜破返照迴光  
親看過五色霞光覆燻珠明顆  
五臺峯三羅刹八識俱明四象靈光匝羅漢  
回頭看菩薩佛果圓成這裏無言答 證虛  
无騰可恰清淨全扶澄湛尤相洽休衣神珠

分等甲彩色傳揮再現黃金塔

又寄與譚哥唐哥

訓人人休碌碌搜尋密妙長修福慧慧明燈  
參性燭謹謹營軀食食年平祿 拜風風為  
叔叔兩兩姪賢莫戀余相逐切切依從新格  
曲了了唐琳達達真譚王

又贈京兆藥市街趙公

趙公邀喫水飯顆顆珍珠粒粒靈芝蔓食說  
圓明生園苑開闢瓊花不作凡軀檀 合三  
光分四憲壯起精神寶鼎童兒健五色霞光  
同一建此則充盈得得平生願

又勸化醴泉人

醴泉人都作善急急光陰似水還如箭箭黃  
虛勞休自羨四假凡軀恰似蠶身緣 各縛  
纏誇做蠶裏了真靈直待鍋兒煎這箇王三  
行方便不信之時不見害風面

又勸化諸弟子

兄弟懋安脚手擎破微塵跳出三山口月出  
東方日入西崑崙耀明星三箇相隨走 氣傳  
清神運秀兩脉通和真行真功就衝上晴空

无猛透方顯無為始見歸無漏

又贈京兆府王小六郎

這仁人忒伶俐問我修行便出非常意怎奈  
時間家事累更有一般妻子應難棄 勸明  
公休出離日熟名香謹把三光貴萬事心懷  
方便起歲舉時臻也到雲霞裏

又勸修行

莫行功休打坐如要修持先把心猿鎖黑氣  
收歸無漏破慢慢昇騰保養靈真麼 蛇娘  
嬉耍子卧搬上中田總向明堂過折得白蓮  
花一朶攜去虛空放出珍珠顆

又勸同流

教門人聽我告清涕稠津喫了成虛耗五穀  
滓餘難化造恰是限催惹甚悶煩惱 會修  
行知顛倒別有一般滋味天然好神水華池  
通正道灌溉丹田指日歸蓬島

又贈打車

本無情生有作都被良工妙手成軀殼黑積  
黃捷惟挽索牽入紅塵難免輪迴脚 靜中  
忙閑裏作怎得逍遙自在真歡樂直待白牛

來跳躍一朵蓮花萬道霞光燦

又勸世

歎人身如草露却被晨暉轉還歸土百載  
光陰難得住只戀塵寰甘受辛中苦 告諸  
公聽我語跳出凡籠好覓長生路早早迴頭  
仍返顧七寶山頭作箇雲霞侶

望蓬萊燒了庵作果有二弟子自寧

海來復修蓋住

重陽子物物不追求雲水閑遊真得茅庵  
燒了事休休別有好歸頭 存基址決有後  
人修便做玲瓏真決烈怎生學得我風流先  
已赴瀛洲

又醴泉覓錢

醴泉好偏愛養貧兒為破彈虛華業余從捉  
住傻猿兒無女又無兒 街兩面願助小錢  
兒同共買成金麥飯三時喂飽鐵牛兒耕種  
老嬰兒

真大道能結坎和離認取五行不到處須知  
父母未生時此理勿難知 須速省下手便  
修持上有三光常照耀中包二氣莫分離

得玉靈芝

修鍊者須要覓前程窈窕冥冥除我相昏昏  
默默絕人情真裏正中貞 方曉悟關至淨  
中清物物般般都打破頭頭脚脚便分明圓  
耀自然成

修鍊事子細好鋪陳外做四肢安樂法內觀  
五臟倒顛因便是得全真 堅守定營殼要  
申申二氣合和開本性三田搬運助靈神只  
此喚仙人

真大藥要見甚昭然二氣包囊三疊妙雙關  
封鎖九重玄自曉豈相傳 古仙頌兩句最  
精研凡骨渡河誠用筏聖功到岸不須船越  
越害風顛

猿馬住性命自然知一粒刀圭開四象兩般  
鑄法殺三尸神水溉華池 公看取便是坎  
和離土馬趕回金虎子鐵牛耕出玉龍兒方  
見遇明師

真鍛鍊驅感去迷昏踏碎月明通正路劈開  
風景入玄門方顯道家尊 無把捉一點出  
崑崙復住空中超造化得歸物外越乾坤那

論若亡存

重陽子飲水得良因洗滌塵勞澄淨至醜澆  
根本甲芽伸滋養氣精神 恬淡好甘露味  
投真滴滴潤開三教理消消傳透四時春流  
轉一清新

能下手便曉這元元為甚得通三一法都緣  
悟徹五千言立起本根源 重著脚跳入水  
晶盤喚出那人人不識至今有自自揚掀越  
越害風虔

回首處便要識希夷鍛鍊須將情滅盡修行  
緊與世相違勘破是歸依 蟾玉走認取箇  
金飛交位東西通地髓沖和上下合天機方  
得妙中微

修鍊者四事倒顛論地水火風應化去色聲  
香味怎生存方是顯良因 全得得窈窕與  
冥昏慧性來迴清淨路真靈出入妙玄門空  
外九光輝

真大道滋味不相饒明月光中騰雲登清風  
飄上出么么從此見芝苗 無狹闊又豈有  
迢遠圓現圓成成自在一能一得得逍遙方

顯見彰昭

鶯啼序

鶯啼序時繞紅樹應當做主驕嚶嚶瑩瑩聲  
音弄暗調舌秤羽潛身在朱林茂處愈綿聲  
百般言語喜新鉛新承俱齊叫歸宗祖 喚  
覺呼惺頓曉本元初天然規矩定分他甲乙  
庚辛九宮八卦門戶驅四象通推七返用千  
朝鍊成文武這金丹由此三年漸令堪觀  
嬰兒跨虎蛇女騎龍白雲招翠霧各各牽鋼  
刀慧劍接刃交鋒隱密藏機兩家無懼烏龜  
赤鳳前來降伏和合罷戰休兵戌被靈童結  
構同相聚從茲慢慢搜尋寶貝完全要見便  
教知數 明珠萬顆吐出神光倒顛籠罩住  
進一條銀霞裊裊撞透清霄見耀晴空徧開  
瓊路中間獨現真妙真玄星冠月帔端嚴具  
把雙眸高舉頻回顧觀瞻了了清清湛湛澄  
澄宮風得遇

啄木兒

觀浮世為人貴捨榮華全神氣保養丹田絕  
滋味便將來免不諱 自諳自諱修取長生

計自誓自誓今朝說子細且通邊際開靈慧  
酒色財氣一齊制做深根木固蒂怎生得虎  
龍交位如何令蛇嬰同睡把塵勞事俱捐棄  
二道合和歸本類想玄玄尋密秘

自行自行見性不用命自惺自惺黑風先捉

定使倒顛併唯堪詠兩脉來迴皆吉慶辨清  
清與靜靜 烏龜兒從茲警省放眼耀光明  
煥炳恣水中遊濤間逞望見赫曦山上景轉

波恬又浪靜  
自住自住離宮受坎戶自悟自悟未中建鉛

庫好頻頻顧長相觀上下沖和知去處漸漸  
入雲霞路 赤鳳兒飛來振羽飲盡烏江見  
水府與神為主作宗祖只把刀圭長安撫方  
能教子伴午

自坐自坐木上見真火自智自智從前沒災  
禍兩東方妥誠堪可潤葉滋枝成花朵結團  
團寶珠顆 翠霧騰空外徧鎖白露凝虛上  
負荷換構交睡同舒他性命方知無包裹不  
由天只由我

自卧自卧西方愁息麼自佐自佐靈臺聚真

火發庚辛課相應和物物拈來都打破元來  
現此一箇跳出後無小無大敲著後不剛不  
懦便却如這音聲那響曉玳瑁明堂過過玲  
瓏共慶賀

自知自知只此分明是自此自此得一並無

四在虛空裏撒金葉萬道霞光通表裏復元  
初見本始要鍊正靈真範軌更不用木金火  
水把良因壘從心起方寸清涼無憂喜證長  
生并久視 重陽子害風是王喆名知明字

說修行旨沒虛詭咏木詞中開真理向諸公  
取知委

重陽全真集卷之四